



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06 i 51/09) i član 25. i 69. Statuta Općine Centar Sarajevo – prečišćen tekst („Službene novine Kantona Sarajevo“ broj: 23/04), Općinski načelnik donosi

ODLUKU O DODJELI POMOĆI BORAČKOJ POPULACIJI

Član 1. (Cilj donošenja Odluke)

- (1) Ovom odlukom utvrđuje se opredjeljenje općinskog načelnika da djeluje u cilju jačanja sistema socijalne zaštite i ostvarivanja prava u skladu navedenog sistema za pripadnike boračke populacije koji će se temeljiti na solidarnosti i pravednosti prema socijalno ranjivim kategorijama, te da u tom smislu obezbijedi davanja za bolest, starost, invaliditet i druga stanja socijalne potrebe za pripadnike boračke populacije.
- (2) Pravo na pomoć boračkoj populaciji imaju sva lica koja imaju priznat status:
- Borca/branitelja Bosne i Hercegovine;
 - Ratnih vojnih invalida i njihovih porodica;
 - Članova porodica šehida i poginulih i nestalih boraca/branitelja i umrlih ratnih vojnih invalida;
 - Organizatora otpora;
 - Veterana/prvoboraca;
 - Članova porodica umrlih demobilisanih boraca

Član 2. (Definicija stanja socijalne potrebe)

Socijalnom potrebom smatra se trajno ili privremeno stanje u kome se nalazi određeno lice ili porodica pripadnika boračke populacije, prouzrokovano ratnim događajima, elementarnim nepogodama, općom ekonomskom krizom, psihofizičkim stanjem pojedinaca ili drugih razloga, koji se ne mogu otkloniti bez pomoći drugih lica.

Član 3. (Vrste pomoći)

- (1) Vrste pomoći u smislu ove odluke su:
- a) stalna novčana pomoć za boračku populaciju,
 - b) pomoć za prilagođavanje putničkih automobila ratnim vojnim invalidima za samostalno upravljanje,
 - c) novčana pomoć za ratne vojne invalide korisnike tuđe njege i pomoći,
 - d) pomoć pri uklanjanju arhitektonsko - urbanističkih barijera za ulazak i korištenje stana za ratne vojne invalide I grupe;
 - e) pomoć ratnim vojnim invalida – kvadriplegičarima, pri zapošljavanju personalnog njegovatelja;

- f) sportska rehabilitacija pripadnika boračke populacije sa područja općine Centar Sarajevo na Olimpijskom bazenu Otoka;
- g) jednokratna novčana pomoć povodom proslave Dana Općine, 105. motorizovane brigade i vjerskih praznika;

(2) Općinski načelnik zadržava pravo izmjene obima pomoći u skladu sa ukazanim potrebama pripadnika boračke populacije, te općom socijalnom- ekonomskom situacijom.

Član 4. (Način ostvarivanja prava)

- (1) Obim prava, način ostvarivanja i tok postupka iz člana 3. stav 1. tačka a), b) i c) ove odluke pobliže će se utvrditi posebnim internim aktima za svako pravo pojedinačno.
- (2) Odluku o obimu i vrsti prava donosi Općinski načelnik na osnovu prijedloga općinske Službe nadležne za poslove iz oblasti boračko invalidske i socijalne zaštite, koja će isti temeljiti na dosljednoj primjeni internih akata.

Član 5. (Pomoć pri uklanjanju arhitektonsko- urbanističkih barijera)

Pomoć pri uklanjanju arhitektonsko- urbanističkih barijera za ratne vojne invalide I grupe invaliditeta će se provoditi u skladu sa propisima Zakona o dopunskim pravima boraca- branitelja BiH.

Član 6. (Pomoć ratnim vojnim invalidima- kvadriplegičarima pri zapošljavanju personalnog njegovatelja)

Pomoć ratnim vojnim invalidima- kvadriplegičarima pri zapošljavanju personalnog njegovatelja će se provoditi u skladu sa propisima Zakona o dopunskim pravima boraca- branitelja BiH.

Član 7. (Sportska rehabilitacija pripadnika boračke populacije na Olimpijskom bazenu Otoka)

- (1) Ovo pravo mogu ostvariti lica:
 - a) koja pripadaju kategoriji boračke populacije (demobilisani borci, ratni vojni invalidi, članovi porodica poginulih i umrlih demobilisanih boraca i ratnih vojnih invalida);
 - b) koja imaju prebivalište na području općine Centar Sarajevo;
- (2) Na osnovu potpisanog Sporazuma, raspisuje se Javni poziv za prijavu pripadnika boračke kategorije sa područja općine Centar Sarajevo.

Član 8. (Jednokratna novčana pomoć pripadnicima boračke populacije)

- (1) Jednokratnu novčanu pomoć pripadnicima boračke populacije povodom obilježavanja Dana Općine Centar, 105. motorizovane brigade i vjerskih praznika mogu ostvariti lica koja:
 - Pripadaju kategoriji boračke populacije;
 - Imaju prebivalište na području općine Centar Sarajevo.

(2) Lica iz stava (1) ovog člana ostvaruju pravo na pomoć, na prijedlog udruženja boračke populacije Općine Centar i nadležne Službe, a u visini od 100,00 KM do 200,00 KM.

Član 9. (Stanje prirodne nepogode)

Općinski načelnik će u slučaju proglašenog stanja prirodne nepogode donijeti ad hoc odluku kojom će se utvrditi način, iznos i kategoriju lica- pripadnika boračke populacije kojima će se pružiti određena vrsta pomoći.

Član 10. (Način izvještavanja)

Nadležna općinska Služba će u godišnjem izvještaju rada prezentirati učinak mjera i aktivnosti pomoći boračkoj populaciji za prethodnu budžetsku godinu.

Član 11. (Sredstva za dodjelu pomoći)

Sredstva za ove namjene osiguravaju se u Budžetu Općine Centar Sarajevo.

Sredstava namijenjena za boračko invalidsku i socijalnu zaštitu, planirati će se u Budžetu Općine Centar Sarajevo shodno potrebama pripadnika boračke populacije, koja će se utvrđivati na osnovu praćenja broja molbi za pomoć u prethodnoj budžetskoj godini, iznosu potrošačke korpe, iznosu minimalne penzije, kretanju cijena i sl.

Član 12. (Stupanje na snagu)

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a objavit će se i u Službenim novinama Kantona Sarajevo.

Broj: 09A-11-5779/24
Sarajevo, 04.10.2024. godine



Općinski načelnik
Srdan Mandić

